



BIBLIOTHECA
UNIV. JAGELL.
CRACOVENSIS


Kat. Komp
345253


Mag. St. Dr.

I



I





EPISTOLA

3452531 Amici ad Amicum.

De Zelo Sacrosanctæ Fidei Romano-Catholicæ in Polonia.

Post indictum per Serenissimum Nostrum REGEM & Dominum, Annò proximè elapso Generalem Regni Conventum, Literas tuas acceperam, ex quibus à Catholica Religione Diffidentes, pro libero Sectarum suarum exercitio, atq; pro admissione ad Senatorias & Equestris Ordinis Dignitates, summo conatu apud Rempublicam institutos abundè intellexi. Obstupui primùm ad tam inexpectatum Nuntium, quòd in Regno nonnisi tolerati, ad ea adspirare præsumerent, quæ sunt supra eorum sortem & conditionem Legibûs Patriis circumscriptam, demùm summo opere indolui, postquam eos exterorum Principum favores, immò fortassis & brachium, ad exequenda sua molimina quæsisse, immò & invenisse subsequenter nuntiasti. Nunquam tamen de integritate Catholicæ Religionis in Regno dominantis desperatum iri credidi, observante mihi in oculis Serenissimo REGE piò justo, ac super omnia Orthodoxo, qui cum ad Regnum assumeretur Catholicæ Ecclesiæ Filius, Sanctam & illibatam Fidem tuendam ac manutenendam solemnè juramentò promisit. Videre mihi in Eo videor, revixisse primos Fidei in Polonia Plantatores MIECISLAOS, Propagatores & Propugnatores, BOLESLAOS CHROBRIOS, VLADISLAOS JAGELLONES, CASIMIROs, & quotquot olim fuerunt; murum se pro Domino DEO Exercituum opposcentes Principes, & suum sanguinem contra tot Gentes immanitate barbaras, multitudine innumerabiles, non aliò quàm ampliandæ & dilatandæ Religionis Catholicæ studiò prodigentes, quis est, qui tam sub Optimo & Magnanimo REGE periclitari posse Sacrosanctam Fidem pertimescat? Erigit nutantes animos eti-

A

am

1955 D. 771



am Amplissimus ille Patrum Conscriptorum Senatus, ille Nobilissimus Equestris Ordo, à prisca Majorum virtute & pietate, non degener, uterq; pro Fide & Religione vitæ & fortunarum prodigus, uno tempore legum & libertatum suarum ac Jurium Ecclesiæ conservandorum Vindex acerrimus. Maximum autem ad retundendos heterodoxorum impetus robur, intrepidum Episcoporum Regni pectus sese offert, quorum tibi Pastoralis adversus scabiosum heterodoxorum pecus; vigilantia, contra simulatas habitu oves, actu & crudelitate lupos (a) sedulitas, nota & perspecta est. Nec me mea hæc fessellit opinio. Postquam enim eas Literas Pastorales ad Clerum & Populum suarum respectivè Dioecesium, ad implorandam Divinam Congregatis Regni Statibus opem & recta Consilia, ad confutandos hæreticorum ausus & arrogantes spiritus; auxilia, animantes, direxissè audivimus, laudavimus Divinam Providentiam, quæ nunquam Ecclesiæ suæ deest, quod novissimo etiam hoc tempore prospexit Speculatores Domûs Israel (b) contra sylvestres apros, Vineam Domini depopulari tentantes (c) Custodes Vigiles, contra inimicos homines superseminare zizania volentes, agricolas attentos, contra fures effodere domum Dei conantes, Patresfamilias pernoctes.

Quam boni omnes optabant, ut vel unum saltem ejusmodi Literarum exemplar, ad Urbem hanc perveniret, ut nostrorum Episcoporum pro Fide Zelû de immortalis memoriæ Cardinali Hosio Varmiensi, & Stanislao Karnkovio Vladislaviensi Episcopis, maximis sub SIGISMUNDO AUGUSTO Religionis Catholicæ Propugnatoribus & Vindicibus acceptum, & conservatum legendo cernerent, admirarentur, laudarent.

Incusabant Nostram, Nostrorum immò & suorum, qui cum Polonis literarum tenent commercium; oscitantiam, quod in tam gravi Religionis negotio, vel silerent penitus, vel sterterent negligentius

(a) Bernard. in Cant. n. 66. in princ. (b) Ezech. 3. (c) Psal. 79.

negligentius, satisfactum porro Publico fuit, licet pro expectantium voto & desiderio tardius, postquam Principis CAJETANI SOLTYK. Episcopi Cracoviensis Ducis Severiæ, primum Epistolæ Pastoralis, tandem serius Orationis ad Regem & Republicam in Conventu Regni Generali, ex tribus Statibus Congregato, super negotio vertente, habitæ, nobis copia; sit facta: quas, obsecundando communibus votis; ex idiomate Polonico tum in Latinum, tum in Italicum sermonem converteri, ac tandem typis imprimendas dari necesse fuit, factumq; est eo successu, ut dum adhuc in prælo essent, expectarentur anxie, impressæ exciperentur, immò distraherentur avidissime. Universalem proptinus plausum, & adprobationem meruerunt in Foro, in Curia, in Aulis Principum, in Palatiis Prælatorum, in Religiosorum Claustris, in Collegiis Nationum, in eruditorum Confessionibus, idem erat, oracula Nostri Præsulis legi; & laudari. Alius Authoris in dicendo constantiam, alius in promovenda Religione Orthodoxa Zelum, alius in defendenda eor magnanimum, & ad durissima pro ea ferenda; intrepidum extollebat. Et hi quidē, quibus Civilis scientia in usu est; gratulabantur Republicæ Nostræ, quod in ea non licet, ut ait Plinius (d) *Curiam elinguem videre, ac dicere, quod velles periculosum, quod nolles, miserum, non est.* Principem verò CAJETANUM modò Aulo Cæsellio comparabant; Cujus tanta fuit in perorando constantia, ut nullius gratiâ, aut autoritate taceret: modò Theodoro, cujus linguam omnia despicientem, quamq; nullus clauderat periculi metus, commendat Amianus. (e) Verùm minùs apta hæc profanæ Historiæ exempla in comparatione Ejus; Viris Ecclesiasticis videbantur, atq; potiùs in scitasse sibi Deum Sacerdotem fidelem, (f) in quo præcorum Ecclesiæ Patrum pro Fide & Religione Spiritus revixisset; asseriebant.

A2

Et jure

(d) apud Maraviglia Prudent Senat. lege 68. (e) Ibidem

(f) 1. Rom. 2. v. 35.

Et jure quidem optimo, manibûs complosis acclamabant plurimi, memor enim dicebant Divini illius Oraculi: *Attendite ad Petram unde excisi estis, nolite timere opprobrium hominum, & blasphemias eorum ne timeatis:* (g) quidquid obganniebant hæretici, quidquid fautores eorum minabantur, sprevit & flocc habuit, monitum Pauli ad Timotheum ad se, tanquam ad Episcopum pertinere optimè sciens: *insta opportunè & importunè argue, obsecra, increpa.* (h) institit apud congregatos Regni Status, ut Religionem Catholicam à Majoribus suis cum Sanguine traductam conservarent & tuerentur; obsecravit, & importunis exterorum Principum pro hæreticis precibus & minis, Dei adjutorio freti; minimè flecterentur, ipsos verò à Religione dissidentes, quòd ingrati & iniqui, perduelles, contra leges Patrias quæ illis nō nisi Personarū & Bonorū securitatē cautē constituerent, ad liberū & publicum Sectarū suarū exercitiū arroganter adspirarent, ad Regni & Palatinatum dignitates, jus possessivum præsumptuosè arrogarent, atq; hoc ipso tum internam, tum externā Patriæ pacem degeneres Filii perturbarent; arguit & increpavit.

Hærebatur ei videlicet altā mente reposita doctrina Pauli ad Titum (i) *Oportet Episcopum esse amplectentem eum, qui secundum doctrinam est; fidelem sermonem, ut potens sit exhortari in doctrina sana, & eos, qui contradicunt; arguere, non modo Divinam, Ecclesiasticas & Civiles, ac Municipales Patriæ leges, conatibus hæreticorum obsistere, sed etiam Regum Nostrorum Pacta Conventa, Vicinorum Principum fœdera, & pacis Tractatus repugnare, demonstravit. Obsecutus Verbo Domini ad Isaiam dicentis (k) Clama ne cesses, & quasi tuba exalta vocem tuam. Opportunè ad interpretationem Augustini (l) Sciris quòd tuba non tam oblectationis esse solet, quàm terroris; non tam delectationem præferre, quàm inferre formidinem. Tuba itaq; necessaria peccatoribus est, quæ non solum aures eorum penetret, sed etiam contutiat, nec delectet*

(g) Isaia 51. (h) Cap. 4. v. 2. (i) Cap. 1. v. 9. (k) Cap. 58.

(l) Serm. 1. de tempore.

delectet cantu, sed castiget auditu: eorum erga Regem & Dominum suum infidelitatem, impietatem erga Patriam, in sacrosanctas leges contumaciam exprobravit. Volve si libet sacrarum literarum monumenta, maximè reperiēs olim Synagogæ Sacerdoti fuisse poenam mortis institutam, nisi campanularum sonitu sese patefecisset. Audiatur sonitus Aaron, quando ingreditur & egreditur sanctuarium in conspectu Domini, & non moratur. (m) quem textum ita exponit Gregorius (n) Sacerdos namq; egrediens & ingrediens moritur, si de eo sonitus non audiat. quia iram in se occulti Iudicis exigit, si sine predicationis sonitu incedit. Sive ingrederetur Aulam Consiliorum, Legum statuendarum & mantenendarum Sacrarium, sive egrederetur, audisses heterodoxos, dignitates, ministeria, honorifica subsellia, æquali jure cum Catholicis prætendentes, objurgantem; quæ conventio Christi cum Belial? quæ societas lucis ad tenebras (o) quæ abscissorum à vite palmitum; non coherentium Capiti & Ecclesiæ Corpori membrorum, cum Orthodoxis communio? hos tanquam proditores protervos, timidos & voluptatum magis amantes, quam Deum, habentes quippe speciem pietatis, virtutem ejus abnegantes Paulus ad Timoth. vitare iussit. (p) Quis in Senatu Socios? quis publicorum Officiorum Administratos? nisi A catholicus patiat! Regni commoda, commerciorum incrementa, artificum copiam, ac alia plura Patriæ emolumenta, si illis publicum Sectarum suarum permetteretur exercitium, allegabant, somnia hæc vigilantium esse asseruit, & ab arboribus autumnalibus & infructuosis (q) sperare fructum imprudentis esse reposuit. Quid prodest homini? si mundum universum lucretur, anima autem suæ detrimentum patiat. (r) Quid Regno? si Unitatem Fidei scindi, si credere quod libet, permittat licere, si augeri hæresim, quæ ad vivum depinxit Poeta. (s)

O! Callidarum

(m) Exod. 28. (n) Pastor. pag. 2. Cap. 4. (o) 2. ad Corinth. Cap. 6.
(p) 2. ad Timoth. 3. (r) Judas Aplus (r) Math. 16. (s) Massenius Poet.
Lyric. lib. 3.

O! calidarum Seminarium fraudum!
Proter, vafra, fluctuans levis mendax,
Plutōnis hæres, ac Proserpinæ partus,
Orciq; cunctis obstetricibûs diris

Seu Monastici fetus.

Probis ab ortu filia excucullati
Traſonis omne cui vile Sacramentum;
Fidesq; sit homini, Deoq; jurata;
Nil veritatis, lacteq; candoris,
Nil sanctitatis, optimæq; virtutis,
Nil gaudiorum, nil amabilis pacis,
Concordiæq; possides, furor tota,
Nutrix bellorum ruinaq; Europæ;
Scelerum theatrum, vanitatis Orchestra
Discordiarum scena, gentium clades,
Nostræ quietis execranda tempestas,
Scuritatis scopulus, atq; Civilis
Mallea pacis, orbiq; vertigo
Legum Charybdis, naufragaq; virtutis,
Extrema pestis.

Quid inquam fiet Regno? si hæresim augeri, cū Ecclesiæ Catho-
licæ damno, crescere cū Gentis Nostræ opprobrio, serpere cum fi-
delis populi periculo, sinat atq; permittat. Fuit ex Pseudopoliti-
cis nō nemo, qui liberè pro Religione Catholica orantē *Episcopū*,
mansuetū & discretū esse debere ex Epistola ad *Timotheū* (t) admonu-
erit, & quasi ad rē elset; Divi Chrysostomi sententiam allegaret,
Memento: quod et si iusta dicas, cū ira, cuncta perdidisti, siue fiducia-
liter agas, siue communeas, siue quodlibet geras, Zelus enim veniā carēs,
non Zelus, sed ira potius est, & correctio humani tatem non habens, in-
vidia quadam esse videtur. (u) at qua mansuetudine? qua lenitate?
erga heterodoxos elset, abundē liquet; cum eis pro perduellionis
crimine veniam dari, poenas quas meruerunt; modō in posterum
modestius

[t] Cap. 3. (n) homil. 30. ad popul. Antioch. de ira.

modestius sese gere nr; condonari, postulasse; eum legimus? crimen tamen ipsum ne fovere videretur; nec pati, nec ferre debuit. Negligere enim cum possis deturbare perversos nihil aliud est quam fovero, nec scrupulo caret Societatis occulta, qui manifesto facinori cū potest, desinit obviare. (v) Erat alius qui nisi parcius loqueretur, factum cum eo iri, quod Chrysostomo ab Eudoxia accidit, comminabatur, nihil tamen prorsus de fervore remisit. Agebatur non jam de ludis, ut olim in Urbe Constantinopolitana corā Statua Imperatricis faciendis, sed de erigendis & aperiendis hæreticorum per Regnū Synagogis, nō se id unquam permissurū usq; ad extremū spiritum testatur, effusa jaciendis eorū fundamentis humū cum ruina & strage sui corporis se impeturum spondet, ornatum Pontificiā Tyara caput, pro primo lapide offert, necquidquam cum Chrysostomo metuit: *Vult me Regina exulem? agat in exilium, Domini est terra & plenitudo ejus; & si vult secare? secet, idem passus est Isaias: Si vult in pelagum mittere? Jona recordabor, si vult in Caminum injicere? idem passi sunt illi tres pueri, si me vult feris obicere? obiciat, Danielis in lacum abjecti memorabor, si me lapidare vult? lapidet me, Stephanum habeo primum Martyrem Socium, si & caput tollere vult? tollat, habeo Socium Joannem Baptistā, & si substantiam auferre? auferat, nudus exivi ex utero Matris mea & nudus repertar.*

Ob iavictam hujusmodi Animi sui constantiam, & præclara de Religione merita, tantam in hac Urbe gloriam adeptus est, & exultationem, ut ad illius laudem, nihil mihi opus sit de meo adjicere. Siquidem tamen Rychardum Angliæ Regem de S. Hugone Episcopo Liconiensi dictum reliquisse memini, *Si omnes Episcopi tales essent, nihil adversus eos possent seu Reges seu Principes,* (y) non solum Regno Nostro, sed Universali Ecclesiæ similes CAJETANO Præfides optare, omniū interest; quicumq; Christianæ Fidei Professione, non nomine tenus censentur. Optare inquam interest, Si enim Seneca Supremorum Principum, & Rerum-

(v) Can. 35. Negligere 2. q. 7. (x) Epist. 33. ad Cyræac. (y) apud Bellug memor. ad Philip. V. Lusitan. Regem n. 228.

Rerumpublicarum defectum in eo ponit, quod deficiant Viri, qui veritatem dicant; *Monstrabo Tibi, cujus rei inopriā laborant magna fastigia, & quid omnia possidentibus deest, unum scilicet; qui verum dicant, dum nemo ex animi sui sententia dicit, aut suadet; sed adulandi certamen, unū est omnium officiū (z) Utinam Catholici Præsules dum de Religione & Fide agitur, non placendi studiō, non carnis & sanguinis affectu, non spe temporalis lucri, non honorum illecebris, immō nec mortis ipsius oppetendæ formidine dissimulent unquam veritatem, sed S. Caroli Boromæi monitu: quod Evangelium docet, quæ Christus jubet, quod ratio præscribit, quod Ecclesiæ Autoritas Dignitasq; exigit, (a) loquantur, & non confundantur. Habent in CAJETANO bonorum Operum exemplum, Ejus pietatem eximiam, pro Religione Zelum ardentem, fortitudinem conspicuam admirentur & imitentur. Tanquam Simon Onia filius Sacerdos Magnus in vita sua suffulsi Domum, & in diebus suis corroboravit Templū. Curavit Gentem suam, liberavit eam à perditione. Ecce quasi stella matutina in medio nebula, & quasi Luna plena in diebus suis lucet; (h) huc animos, huc oculos intendant;*

Prolixior fortè Tibi in scribendo videbor, quod si tamen Amplissima Principis quæ hîc habuit; elogia me contraxisse. (ut ingenuè fateor) credes; brevitati potius consuluisse, probè intelliges. Vale Dabam Romæ XVII. Kalendas Martii. Annō Domini 1767.

Norindus Châlcedonius
P. A.

(z) Epist. 21 (a) apud Bellug. lib. citi. n. 237. (b) Eccl. 50.





Biblioteka Jagiellońska



stdr0025419

